

381
76

I

QVÆSTIO MEDICA,

QVODLIBETARIIS DISPVATIONIBVS
MANE DISCVTIENDA,

IN SCHOLIS MEDICORVM,

die Iouis VII. Februarij.

M. TVSSANO FONTAINE;
DOCTORE MEDICO, MODERATORE.

An viscerum obstructionibus serum lactis?

I.

VISCERA vulgo dicuntur partes, quas Peritonæos tunica ambit generationi, vel nutritioni dicatas: hæ quoniam alimentum accipiunt incoctum, quantitate nimium, qualitate alienum, impuriore sæpe fiunt, & collectâ sensim impuritate multâ, crassâ, viscidâ, obstruuntur. Obstructio illa vel per se morbus est, vel morborum plurimorum causa, eò periculosior quò contumacior. Vtrolibet nomine viscera occupauerit quam primum tollenda est. Hîc suam variè medicus explicat industriam, & dum omnia venæ sectione atque purgatione temperat, quid singula aduersus viscerum obstructions valeant digenter expendit: fluuialis aquæ haustus matutini ventrem eluunt & refrigerant, vix illos infarctus solvunt: inter metallicas aquas plurimæ quæ sponte nascuntur altiùs in viscerum recessus penetrant & salubrius, sed procul conquirendæ, conquisitæ nonnunquam instabilis sunt boni-

tatis: quæ arte fiunt vt plurimum ventriculi vim & robur infringunt & debilitant: quid Diuretica? Obstructa viscera magis impediunt: Vretica? Leniunt quidem parum certè liberant, inter districta ægrorum medentiumque studia vnum lactis serum occurrit tam parata quam salutaris visceribus Medicina.

II.

NVLLVM viscus impunè obstruitur, nam qui interceptis meatibus hæsit humor confestim cæcis incalcescit ignibus, hinc illa medicorum nutricula præferuida viscerum intemperies sæpe atri succi soboles viscera obstruentis, hinc febrium genus omne, quod vix vllum superesset præter ephemeris nisi viscera obstruerentur. Cuiusmodi autem illa sit viscerum obstructio à quâ morbus initium ceperit, ab eadem ille in vltimam ægri perniciem protrahendus est nisi remedium præsto fuerit quod putredinoso calore imminuto discussoque infarctu obstructa liberet, humorem vero in iis, in quas sese impegit angustis æstuantem tam compescat tamque mitificet, vt laxatis viis malum vnà & remedium, vel aluo, vel cum vrinis foras prodeant.

III.

SERVM lactis hoc habet, vt leuius & iucundius ventriculo accidat, imbecillum etiam adjuuet & cum minimam in eo moram duxerit, blandâ quadam humiditate haustura viscera perfundat. omnem enim quam commixtum sanguini aut in venis aut ab vtero contraxit acrimoniam castigauit glandularum vis lactifica, soli fœminæ infita: si quid amarum ei falsiusculum-ve asperferit bilis vtriusue commercium, decoxit mammarum calor. E mammis autem elapso atque coacto ex lacte serû ita profilit, vt

lis solum partibus, quæ ignei caloris, vel terræ gravitatis sunt participes nihil retineat quod in nostro corpore ignescere possit vel terrescere. Atqui cum à lacte quidquid vel ignem vel terram sapit, natura vel ars secreuerit, quod reliquum vtraque seponit reseruatque aqueæ redditur naturæ, idque eximia tenuitate pollens eò felicius obstructionum contumaciam edomat quò citius per arduos viscerum recessus it reditque serum lactis, nam quantò lac sanguini tantò illius serum hujus sero frigiditate & tenuitate præstat, non inutilius extergendi facultate conjuncta.

IV.

IN viscerum obstructionibus diù multorum imbecillitatem occupavit parandi ad purgandum humoris sollicitudo, dum præmittendis vel immiscendis quæ humorum crassitiem inciderent aut ægram partem propriè & vnicè appeterent, purgantium vires promouere se & dirigere, crediderunt. Hos in vsus serum lactis mirificè confert excipiendis & deportandis purgantium viribus multiplici decoctorum apparatu conducibilius. Sicut autem ad innoxium feri lactis vsus purgationem præiuisse conuenit, ita ab illo hujus tutius iterandæ spes certa, puris enim ac nitentibus anadofcos organis serum lactis remotiora loca illapsum, vel obstructiones inde dimouet vel præterlabenti si sese opponat qui viscera obstruit humor, ita cum eo versatur vt sua vi paulatim emollitum & jam medico obtemperantem proximæ tradat ducendum purgationi.

V.

IN curandis viscerum obstructionibus cum præcipua fuerit venæ secandæ atque purgationis vtilitas succedit serum lactis, & vtrique viribus suppar medendi tempora

diuidit & laudem: misso sanguine viscerum libertatem jam prosperè auspicatus fuit medicus, & dissipati sed nondum extincti obstructionum comites igniculi comprimendi sunt. Res tota sero lactis committenda, breui omnem viscerum feruorem sedauerit extincto qui humorem illorum in medullis defigebat & obfirmabat calore alieno: Purgatio aggestum partium in ductibus humorem remolitur & exigit viis convenientibus, mox à sero lactis par fuerit gratia, quidquid enim viscera obstruxerit, non solum diluit dissoluitque, sed quà sit illi secedendum commoustrat inter vretica eximium idemque alui commouendæ potens, vno verbo cum venæ sectio atque purgatio salutare medicinæ manus prædicentur, ambarum singulare ægris visceribus munus, & remedium ab omni parte beatum, serum lactis fuerit, quod benè semel inchoatam aduersus obstructiones medicinam ad optatum finem semper perduxit.

Ergo viscerum obstructionibus serum lactis.

DOMINI DOCTORES DISPUTAVR.

M. Philippus Chartier, Med. Reg.

M. Alanus Lamy.

M. Urbanus Bodincau.

M. Franciscus Bonjonner.

M. Claudius Quartier.

M. Philibertus Morisset.

M. Franc. de la Chambre, Med. Reg. ord. M. Franciscus Landrieu. M. Hermannus de Launay.

Proponerat Lutetiæ IACOBVS DE BOVRGES Parisinus,
A. R. S. H. M. DC. LXIV.